



Minggu, 12 Desember 2021

Ogen: I Korinti 13:11-12



Pemeteh Jadi Kuh Dingen Serta



Kitab 1 Korinti 13 enda, emekap sada pengajaren si ipebetehken man perpulungen i Korinti segelah perpulungen i Korinti banci ngangkai kerna kinata kegeluhen bagi singena ate Dibata. Kinata kegeluhen e makeken kepentaren si rehna arah Dibata nari segelah arah kepentaren e banci si pake guna mpelimbarui ukurta, pengerana ras pengertinta. Kalak si lenga ngerembakken dirina ras Dibata, biasana lenga beluh makeken ukurna i bas kerina si mehuli. Payo ntah lang? Uga dage kita? Tema-nta sendah, pemete jadi kuh dingan serta mabai kita segelah ngasup nggeluh alu perbahanen ras sura-sura Dibata. Seh maka, kegeluhenta banci bagi si ngena ate Dibata, sabap arah pemete e iajariNa kita rukur guna la ndalanken sura-sura doni enda. Sura-sura doni enda, mabai geluhta ntabeh, senang ras la ngukuri kai pe kususna la ngukuri kerna perbahanen Dibata. Erban dosa e ntabeh kap, payo ntah lang? Tapi bas si ntabeh e la si ukuri ceda pusuh Dibata. Arusna, selaku anak-anak Dibata si nggo ibereken kerna kepentaren ras pemete, arus sipakeken kerna si e i bas kita ndalani kegeluhenta e. Sabap tanpa pemete ras kepentaren bagi si enggo isuratken Rasul Paulus nandangi perpulungen Korinti, kita labo banci ikataken anak-anak Dibata ras labo mungkin kita banci nggeluh rikiutken sura-sura Dibata. Kai pe silakoken pasti la banci ernanam ras la mabai kemalemen ate. Emaka pemete e jadi kuh dingan serta adi sipakeken gegeh ras kengasupenta alu pasu-pasu si rehNa arah Dibata nari. Pemete e jadi kuh adi kita la makeken gegehenta, pemete e jadi serta adi sipakeken guna dahin si mehuli.